



Шогшо эл, порымлык да гим берр!

Будь готов/

ЯМДЕ ЛИЙ

1933 ий 1 февраль годсек лектеш.

0+

Телылан шапаш ямде

Сад-пакчашке лектатат, йошкарнын, шемын, сошын коеш. Түрлө түсан шоптыр кечыште шұдырла йўла. Эңыжын тамле пушыжо, торашке шарлен, шкеж деке ўжеш. Вишне шемеммешке кўын. Йоча-влак ача-авашт дене пырля саскам погат. Эркин-эркин вондер-влак пустангыт. Телылан шапашым ямдылаш жап шуын: компотым, вареньым шолтат.



Морко район Шап Унчо гыч Оля ден Максим СТЕПАНОВМЫТ марий тувырысо тұрышт гай түсан йошкаршоптырым погеныт.

– Йошкаршоптыр витаминлан поян. Телым вареньым тамлена да огына черлане, – ойлат акаж ден шольбыжо.



Йошкар-Ола гыч Алиса СКВОРЦОВА эңыжым моткоч йората.



Параньга район Янгетсола гыч Эрвин ден Марк МОРОЗОВМЫТЫМ пуншоптырын имыже огеш лўдыктө.
– *Ах, могай шер!* – кугыварняжым кўшкө нөлтале Марк.

Х.АЛЕКСАНДРОВА.

И.РЕЧКИНЫН да еш архивла гыч налме фото-влак.

ПОДПИСКЕ



«Ямде лий» газетлан кажне тылзын 15-ше числа марте возалтын кертыда. rodписка.pochta.ru сайтыш пурыза але «Почта России» мобильный приложенийым телефонышкыда шындыза.

Индекс – П4696.

Кугарня24.рф сайтыште «Кевыт» ужашыште «Ямде лий» газетын номерлажым налаш лиш.

Рекламе.

Паращют дене – икымше гана

10-19 июльышто Марий Эл Республикысе «Авангард» военно-патриотический рүдериште военно-спортивный лагерь сбор эртаралтын. Тушко Марий Турек район Нартас школын 10-шо классшым тунем пытарыше рвезе-влак Александр Рычков ден Даниил Тимофеев (снимкыште) ушненыт.



Фотом еш архив гыч налме.

Сборышто парашютым шымленят, 25 километрым вүд дене воленыт, ориентированийыште вийыштым тергеныт. Саша ден Даниил икымше гана парашют дене тӧрштенят.

– Паращютын лүдыкшыдымылыкшылан ижаненна. Кугун шӱлалтенна да тӧрштенна. Южышто улмо годым адреналиным, кугешнымашым да куаным шижнына, – ойлат рвезе-влак.

Х.АЛЕКСАНДРОВА.

Российысе увер

Москосо Сегымаш тоштер «Мой верный друг» всероссийский ойлымаш конкурсым увертарен. Тушко 7-17 ияш ұдыр-рвезе-влак ушнен кертыт. Пашам 15 август марте victorymuseum.ru сайтыш колтыман.

Школьник-влакын рос-сийысе толкынышт «Вожатый нашего двора» всероссийский акцияым эртара. 31 август марте шуйна. Акции нерген вожатый.рф сайтыште ончыза.

3-18 ияш ұдыр-рвезе-влак, «Нарисуй kota» всероссийский йоча сүрет конкурсышко ушныза. Пашам predannoe.smi@gmail.com адрес дене электрон почтыш 6 август марте колтыза.

Марий Элысе увер

«Образование» нац-проектын «Современная школа» регионсо проектше почеш Марий Турек район Сардаялыште 60 веран у школым чоначаш тўнгалыныт. Тидлан 175,1 миллион тенгем ойырымо.

«Юнармий» толкынын Марий Элысе пӧлкаже районласе штаб-влак коклаште Россий Федерацийын Геройжо М.Евтюхинын кубокшылан смотр-конкурс-ым эртара. 13 август марте centr-patriot-mari@ya.ru адрес дене электрон почтыш йодмашым колтыман.

17 июльышто Йошкар-Олаште «Большие звёзды светят малым» йоча футбол лигын тўнямбал фестивальжын регионсо йыжынже эртаралтын. 2011 ийыште шочшо-влак коклаште Медведево посёлко гыч «Витязь» команде сенгышыш лектын. 2013 ийыште шочшо-влак коклаште – Йошкар-Ола гыч «Зеленый ключ».

Историйым шергалына

1240 ий 23 июльышто Чева эрер воктене кресталаште князь Александр Ярославичын вуйлатыше руш войска швед-влакым сенен. Тылеч вара тиде сӱйым Чевский кресталаш манын лӱмденыт, а Александр Ярославичлан «Чевский» лӱмнерым пуэныт.

Дима ВЕДЕНЬКИН.

Марий Эл Республикысе пӱртӱс поянлык, экологий да йырым-йырысе средам аралыме шотышто министерствын уверже почеш, апрель мучаш гыч тўнгалын тачысе кече марте кундемшытына 55 чодыра пожар лийын. Тул 113 гектар мландым авалтен. **Чодыраште тӱткӧ лийза!**

Уэш вашлиймешке!

11-20 июльышто Чылдемыр клуб пелен «Чылдемыр_fest» йоча лагерь эртаралтын. 2019 ийыште 40 утла йоча ушнен гын, тений пандемийлан кӧра шагалак. Ёдыр-рвезе-влаклан йокрок-ланаш жап лийын огыл. Тӱрлӧ модышышто, квестыште, викториныште вийыштым да уш-акылыштым тергеныт. Кокымшо смене августышто тўнгалеш. «Уэш вашлиймешке!» – ойла лагерь вуйлатыше Л.М.Антропова.

Шернур район.



Авторын фотожо.



*Книгагудо -
калык
фантазийын
кевйтше.*

П.Николь.

Книгагудо – книга тўняшке корным почшо вер. Эше шукерте огыл енг-влак библиотекеш лудаш, книгаг налаш коштыныт гын, кызыт тушто уверым писын кычалаш, каналташ, чонлан келшыше пашам муаш, йолташым вашлияш лиеш. Поро шинчаончалтышан книгагудо пашаен-влак лудшо-шамычым эре вучат. **К.В.ЛЕБЕДЕВА (снимкыште)** книгагудым кокымшо пёртшылан шотла. Тудо У Торъял районисо библиотекем методике да библиографий пёлкажым вуйлата.



– У Торъял районисо библиотеке республикыште икымше модельный книгагудылан шотлалтеш. *Ксения Владимировна, тудо тыглай деч мо дене ойыртемайтеш?*

– 2020 ийыште «Культура» нацпроект почеш книгагудым модельныйыш савырыме. Тудым кызытсе саманлан келыштарыме: у технологийым кучылтын, у технике дене пашам ыштена. Книгагудышто мультимедийный оборудовани, электрон да интерактивный книга-влак улыт. Интернетлан көра пашам ышташ йёнан. Лудшо-влаклан библиотеке дене кылым кучаш куштылгырак лийын. Книгагудын фондшо ешаралтын. Йоча да самырык-влаклан 5000 наре у книгаг налме.

– *Тугеже йоча-влак дене у йёным кучылтын пашам ыштеда?*

– Ме илыш дене төр каяш тыршена. Түрлө направлений почеш пашам ыштыме дене пырля йоча-влакым книгаг лудаш кумылангдена. Книгагудышто түрлө клуб пашам ышта. Тений «ИнтелАктив» модмо клубым почынна. Тыште йоча-влак шахмат, шашке, домино дене модыт. Монополий, мафий да моло модышла дене палыме лийыт. Тыге

уш-акылым пойдарат. Самырык-влаклан «Юные блогеры» клуб келша. Йыргешке үстел йыр шинчын, палыме блогер-влак дене вашлийын кутыраш үдыр-рвезе-влак утларак йоратат. Мемнан дене Эльвира Куклина, Михаил

ончен, йочашамычын книгаг лудаш кумылышт утларак лектеш. «Даниловские чтения» конкурс йўлаш пурен. Тений тудо онлайн лийын гынат, марий

Самырык тукымын лудмо верже



#Книгагудо-чон_поянлык_рүдер

Винокуров, Александр Акилбаев (снимкыште) да моло уна лийыныт. Тунемше-влак квест, квиз модмашыш уло кумылын ушнат.

– *Түрлө конкурсым эрта-реда, очыни?*

– Огай ончерым чўчыкыдын келыштарена. Түрлө темылан класс шагатым, викториным, шарнымаш, патырлык уроклар эрта-реда. У Торъял школышто тунемше-влак дене кылна пентгыде. Книга але посна произведений нерген презентацийым ямдылена. Тудым

сылнымутым да поэт-фронтвик Борис Даниловын усталыкышым йоратыше йоча-влак деч шуко видеопурен. Борис Григорьевичын икымше почеламутшо «Ямде лий» газетыште 1937 ийыште печатлалтын. Тидын нерген йоча-влаккан кажне гана ушештарем. «Книгодвижение» акцияш ятыр йоча ушнен. Тидлан 1 март гыч 27 май марте шуко книгаг лудаш кўлын. Тўнг пөлк велосипед лийын. Сенгышыш Лола Градова лектын.

– *Самырык үдыр-рвезе-влак могай книгаг утларак лудыт?*

– Сылнымутан произведенийлам Интернетыште муаш лиеш гынат, книгаг лаштык-лаш йоратыше-влакын чотышт шагалеми огыл. Фантастике, приключений сынаным утларак ойырат. Изирак-шамыч йомакым йоратат. Книгагудышто түрлө газет, журнал уло. «Ямде лий» газетым, «Кече» журналым шергалыт.

Е.ИВАНОВА мутланен.

Фотом книгагудын архивше гыч налме.

– Кызит икшыве-влак марла начарын кутырат, южышт йоршын огыт мутлане. Тиде йодыш мыйым моткоч тургыжландара. Садлан йочасадыште марий йылме дене кружокым почынам. Арнялан ик гана 15-20 минуташ занятым эртарем. Мыйын шонымаште, марий ача-аван икшывышт марла кутырышаш улыт, – оила Пошкырт кундем Дörтыльö район Миядык селасе «Теремок» йочасадын воспитательже Е.А.Сатараева.

Кружокышто йоча-влак саламлалташ да чеверласаш, шке нерген марла каласкалаш, еш, йолташ дене палдараш, сүрет почеш изи ойлымашым чоҥаш тунемыт. Марий мурым мурат. Воспитатель-влак марий пайремым эртарат. Снимкыште марий курчак нерген урокым ужыда.

– Икшыве-влаклан түрлө чиян сүретан марий книга-шамыч келшат. Мый нунылан йоча серызе Елена Юнусован «Турнявöчыж,



#Луд#Лончыло#Лий_ончылно

Куандара, Пошкырт кундемысе йочасадыштат марий шүпыш озалана. Тугеже марий йылмына ончыкыжымат пеледалт тўзлана.

Марий йоча марла кутырышаш

Регенче да молат», «Копшанҗе сар», «Ужаваиге ден Коракиге» книгагалаже гыч йомак-влакым лудам. Тылеч посна йочасадыштына Семён Николаевын, Юрий Соловьёвын, Анжела Тимоеван книгашт-влак улыт, – каласкала Елена Афанасьевна.

Х.АЛЕКСАНДРОВА.

Фотом йочасадын архивше гыч налме.

Увер

«Марий книга издательстве» савыктыш пörтын 2020 ийыште лукмо ныл книгаже регионисо 50 эн сай изданий радамыш логалын. Тиде «Марийцы на просторах России», «Земля Онароров», «Калевала», «Звонкая речка». Конкурсым Россияисе книгагалам савыктыше-влакын ассоциацийышт эртарен.



#Сүрет_ончер

«Акпарс» легенде почеш Екатерина ВЕРЕНИЧЫН сүретше. Медведево, Руэм.

Илыш эңертыш

Ўдыр-рвезе-влак, «Рывыж ден Турня» йомакым лудында? Мый лудынам. Тудо мемнам йолташлан полшаш, вес енлан порым гына ышташ тарата. Максим Горькийын «Старуха Изергиль» ойлымашыж гыч «Легенда о Данко» ужашым налаш. Тўн герой шкеж нерген ок азаплане. Моло-влаклан полшаш шонен, шўмжым кўрышт луктеш. Тыгай герой-влак илышым чын умылаш полшат, тўняумылымашым келгемдат. Сандене, йоча-влак, книгагалам лудаш öрканыман огыл. Ида мондо: книга – илыш эңертыш.

Алексей ГАВРИЛОВ.

Волжский, Сотнур.



Кокымшо улам

«Колумб лудмаш» конкурсыште тунеммем годым икымше гана ушненам. Тунам поэтын «Йошкар вуй» почеламутшо дене сеныше радамыш лектынам. Сылнымутым умылаш да тудым колыштшо деке мастарын намиен шукташ тунуктышо Надежда Альбертовна Крылова полшен. Кўлеш верлаште йўкым кугемдаш да иземдаш, чарналтыш палым чын шындаш тунуктен. Тений мый уэш танасымашке ушненам. Кокымшо верым сенен налынам.

Яна ДМИТРИЕВА.

Морко, Коркатово.

Авалтыш чонемым куан

Ешыште марла гына кутырена. Руш школышто тунемам гынат, школ пеленысе книгагудышто марий книгагалам, журнал ден газетлам лудаш йöратем. Поро кумылан библиотеке вуйлатыше каже вашлиймаште ойла: «Кö шуко лудеш, тудо шуко пала». Чузаем Альберт Васильев нерген «Писатели Марий Эл» книгагалам уверым лудна. Чонемым кугу куан авалтыш. Мый тудын дене кугешнем.

Ярослав ВАСИЛЬЕВ.

Морко, Зеленогорск.

Николаевич Афанасьев.

Шочын: 1826 ий 23июльышто,
Воронеж
губернийысе
Богучар
олаште.**Тунемын:**Воронеж
гимназийыш-
те, Моско уни-
верситетын юри-
дический факультетыштыже.**Произведенийже-влак:**«Курочка Ряба», «Колобок»,
«Репка» да шуко моло йома-
кым йоча-шамыч А.Н.Афа-
насьевын тыршымыжлан көра
палат. Тудо, шуко йомакым,
мифым легендым поген,
«Русские народные сказки»
8 сборникым чумырен да
савык-тен луктын.**Паша:** Москосо тун архивыште түрлө должностышто пашам ыштен.**Онай факт:** кок түжем наре йомакым поген. Тунямбалне икымше руш йомакзе семын чапланен. А.Н.Афанасьевым изак-шоляк Гримм, Шарль Перо дене ик радамышке шындат.

Руш

фольклорым погышо,
шымлыше, историк да
литературовед
А.Н.Афанасьевын
шочмыжлан - 195 ий.

В.Сапаевын «Мөр

пеледыш»
повесть-
ше почеш.Шола
гыч пур-
лашке:

3.Энер лүм.

4.Павлушын

кочаже. 7.Ваню «Ямде

лийышке» мом возен?

8.Павлуш могай кни-

гам пөлеклен?

10.Терыс шупшыктышо йоча.

13.Йоча-влак мо дене

модаш йоратат? 15.Тунуктышын фамилийже.

Күшыч үлыкө:

- 1.Олю тиде тукум гыч. 2.Оксам йомдарыше үдырамаш.
5.Чемекован лүмжө. 6.Модыш. 9.Ванюн ялже.
11.Повестьын тун геройжо. 12.Ваню тиде тукум гыч.
14.Иванов Иванын йолташыже. 16.Йошкарвуй ...

В.СМИРНОВ ямдылен.

А те лудыда?

Туняште моткоч шуко түрлө онай книга уло. Кажне ен шкаланже келшышым ойбра. Мый книгам лудаш жапым эре муам. Изиракем годым мыланем авай йомакым лудын. Кызытат авам дене юзгунам роль дене лудына. Шукерте огыл книга кевытыште лийынна. Пырыс-детектив нерген книга моткоч келшен. Авам налын пуэн. Ынде лудаш веле кодеш.

Полина АЛЕКСЕЕВА.

Морко, Коркатово.

Марий тувыр келшен



Авторын фотожо.

Вич ияш Таисия Ялаева (снимкыште) Йошкар-Оласе 51-ше номеран «Подсолнушек» йочасадыш коштеш. Изинек марий шүлышан кушкеш. Ешыште марла йомакым лудыт, изирак почеламут-влакым наизусть тунемыт. Мастарлыкшым «Колумб лудмаш» олесе конкурсышто ончыктен. Тиде Таисиян икымше тагасымашыже лийын. Сенгышыш лектын огыл гынат, кумылжо волен огыл. Сылне марий тувырым чийымыжлан моткоч йывыртен. «Мыланем почеламутым марла ойлаш келшыш. Йоча-влакше тыгай сылнын лудыт! Весканат конкурсышко ушнаш кумылем уло. Мый ковам деке унала чүчкыдын коштам. Тудо марла кутыраш тунукта. Шочмо йылмым эше сайынрак тунемаш туналам», - ойла Таисия.

Е.ИВАНОВА.



Кызытак ямдылалтам

Мый 7-ше классым тунем пытаренам. 8-ше классыште руш литератур дене тунем-шашлык произведенийлам кенеж канышыште лудам. Тыге каникулем пайдалын эртарем. А.С.Пушкинын «Капитанская дочка» повестьше, К.Г.Паустовскийын «Телеграмма» ойлымашыже, М.Ю.Лермонтовын «Мцыри» поэмыже дене палыме лийым. Уэш парт коклашке шичмем шуын колтыш. Пырля тунемме йолташем-влак дене угыч вахлийме жапым вучаш туналам.

Карина МИХАЙЛОВА.
Волжский, Сотнур.



Еш дене лудына

Кенеж
рүдө.
Уремыште

лүп-лүп шокшо.
Лу ияш Юрик ден
аваже таче эрде-
нак Олма кожла воктенысе
мўндыр олыкыш шудо
солаш толыныт. Аваже сола,
а Юрик почешыже кўжгө
шудым шарен коштеш. Тыге
ужар шудо вашкерак
кошка.

Шокшылан көра эре йүмө
шуэш. Аваже аныкленрак
йүө, а Юрик кажне гана
шер теммешкак төчыш.
Кечывал лишан пелен налме
вўдышт пытыш. Кочмат
шуаш тўнале. Но пелен
нимом налме огыл.

Аваже Юриклан каласыш:

– Мий, эргым, писын гына
мөнгө куржтал тол. Кочкаш
кондо. Вўдымат пеленет нал.

Юрик тунамак ял вельш
куржо. Ужар шаршудан
уремыш пурымекше, тудын
пылышыжлан ерыште
ўдыр-рвезе-влакын веселан
юарлен йўштылмө йўкышт
солныш. Тудынат йўштылаш
кайымыже шуын колтыш.
«Чу, туш каяш ок лий! Вет
мыйым авам вуча!» – Юрик
шоналтыш да кудывечыш
пурыш. Но мўндырчын ада-
кат весела йоча йўк шергыл-

те. Рвезе ер могы-
рыш ўшан дене
ончале.

– А мый чечас велосипед
дене вич минут жапыште
йўштыл толам, – Юрик
семынже йўкынак пелеш-
тыш. – Авам тиде жапым

#Луд#Лончыло#Лий_ончылно

Олык покшелне шкетын
шудым солен шогышо ош
марий тувыран аважым
Юрик мўндырчак ужыла-
тыш. «Авамлан ынде мом
каласем гын? – рвезе шон-
кала. – Пеш кужун кошты-
нам вет».

Миен шумеке,
аважын нойышо

ШУДО СОЛЫМАШТЕ

Ойлымаш

шижынат ок шукто.

Тунамак тудо велосипе-
дышкыже шинче да мар-
дежла ер вельш кудале.
Тушко миен шумеке, вур-
гемжым писын кудадын,
вўдыш төрштыш. Шокшеш
когаргыше капшылан луш
лийын колтыш. Вўд гыч лек-
мат ок шу. Тунамак тудын
воктекше йолташыже-ша-
мыч толын лектыч:

– Юрик, айда пырля ийын
поктыл модаш!

Рвезе ыш чыте, моло дене
пырля модаш тўнале. «Мый
кужун ом мод, – семынже
шоналтыш. – Вич минутым
гына модам да лектам веле».
Йолташыже-влак дене
модмо коклаште Юрик жап
эртымымат ыш шиж. Ятыр
жап гыч веле аваже деке
кайышаш нерген шарнал-
тыш да лева вўд гыч лекте.

Мөнгыштыжө шер теммеш
кочко. Вургемжым ваштал-
тен чийыш. Банкыш вўдым
темыш. Вара веле, велосипе-
дыш шинчын, мўндыр олык
вельш тарваныш.



Сүрөтүм Интернет гыч налме.

чурийжым ончале да Юрик
титакшым тўрыс умылыш.
«Тетла нигунам тыгай
йонгылышым ом ыште,
авай!» манын, Юрик чон
коржын пелештынеже ыле.
Но, аважын лыпландарыше
шинчажым ончалын, логар-
же пышкемалте. Лач эр лупс
гай кугу да яндар шинчавўд
пырче, нөргө чонжым корен,
чурийже мучко йоген
волыш.

ИЗИ КЎТЎЧӨ

Куд ияш Алёша кенеж мучко коча-коваж дене
кила. Кўтү черет шумеке, коважлан кўтүш кочаж
деке кечывал кочкышым нумалаш полша.

Ты ганат Алёша коваж пелен кўтүшкө тарваныш.
Тушто кочаже волькым ўмылан верыш иквереш
чумыренат, курык чонгаш кечывал кочкышым вучаш
лектын шинчын. Курык чонгаш миен шумеке, кова
волькым эскераш кайыш. А Алёша кочаже пелен
кочкаш шинче.


– Кунам ынде, Алёша, пеленем кўтүш кошташ
тўналат? – кочмо кокла гыч кочаже йодо.

– Ондак кўтүчө семынак сайын кочкаш тунемаш
кўлеш, – чолган вашештыш уныка да шылан пучы-
мышым совла дене кугунрак коштале.

**Александр ПЕТРОВ.
С.ТУПИЦЫНАН сүрөтше.**

Россий Федерацияысе цифровой виягмаш,
связь да массовый коммуникаций министерствын
окса польшыж дене лугмо.





Шотло да чиялте.

- 2 — ужар-канде
- 3 — йошкарге
- 4 — канде
- 5 — нарынчалге
- 6 — ошалге-канде
- 7 — шемалге-канде
- 8 — нарынче
- 9 — ошалге-ужарге

Ура, йочасад почылтын!

Йочасадна ўдыр-рвезе-влаклан омсажым уэш почо. «Ура-а-а!» — кычкыралыч йоча-шамыч. Молгунамсе семынак лагерь пашам ышта. Кажне кече посна темылан пӧлеклалтын. Йокрокланаш жап уке. Икшыве-влак модыт, воштылыт, юарлат.

Йошкар-Ола, 80-ше номеран йочасад.

Н.ГОДУНОВА.

Авторын фотожо.



«Ямде лий» йоча газет
Тўн редактор
Л.Н.ГРИГОРЬЕВА.
Индекс: П4696.
Тираж 1550 экз. Заказ
Формат — А-4-8.

https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: yamdelii.ru

УЧРЕДИТЕЛЬ-ВЛАК: **Марий Эл Республикысе культур, печать да калык-влакын пашашт шотышто министерстве, «Ямде лий» газет редакций.**

Газетым редакцийште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийн адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наследиым аралымаште законодательствым шуктен шогымым эскерыше Федеральнй службн Приволжский федеральнй округыс управленийыштыже регистроватлыме.
Номер — ПИ №ФС 18-1999,
2005 ий 10 февральыште пуымо.

0+

Печатьыш пуымо жап —
14-00,
фактически — 13-00

Авторын да редакцийын шонымашышт тўрлӧ лийын кертыт. Серыш-влак мӧнгеш огыт колталт.
Ак — кутырен келшыме почеш.

Редакцийн да издательын адресше:
424006, Йошкар-Ола, СССР Вооруженный Вийын 70-ше идалыкше урем, 20-шо пӧрт.
Тел. 8(8362) 45-22-82(факс)

Пайрем кече дене тукым изам Максим Бутениным (снимкыште) саламлем. Тудо Тихий тептенызыште (океан) служитлен, 8 июльышто шочмо Овдасолашкыже пӧртылын. Уло родо-тукымжо куанен вашлийын. Изам теныз вўд чекым оролен. «Тихий тептенызын лўмжӧ веле — Шып, — оила изам. — Мартыште тугай вянь ишторм лийын, корабльнам эныр чичка гай лупшен. Чыла арвер оравала пӧрдалын». Изам армийыште кум сай йолташым вашлийын. Владивосток гыч Никита Меньковым, Сочи гыч Валерий Николаевым, Йошкар-Ола гыч Алексей Елькиным. Пайрем дене, моряк-влак!

Морко, Купсола.

Изам — моряк



25
июль —
Военно-Морской флот кече.

Даша СОШИНА.

Фотом еш архив гыч налме.

Синквейн

Порылык
Волгыдо, кўлешан.
Куандара, полша, виктара.
Шокшо куаным конда.
Кумыл.

Ксения ТОПОРОВА.
Волжский, Сотнур.

Енлан ик гана ит ўшане —
шукко жап ок мондо.

Поро кумыл веле
пагалымашым конда.

Михаил ИВАНОВ.

Лагерыш

Эр эрден кынелына,
Лагерышке вашкена.
Тушто талын модына,
Куштена да мурена.
Веселан жагна эрта
Икте-весе ден пырля.
Тышке мый толам эрла
Да налам пырля Ильям.

Аня АНДРЕЕВА.

Кужэгер, Тошто
Йўледўр.





Николь ИШМУРЗИНА.
Татарстан, Агрыз, Буймо.

Конкурс



Кирилл НОВОСЁЛОВ.
Шернур, Кугу Пүнчер.


Кенжеын чияже





Виктория КЕЛЬДЫБАЙ.
Советский, Изи Ашламаш.




1 гыч 20 марте
цифр-влакым ушыза.



1-● 2-● 3-● Агытан-шамычым чиялтыза.
Кудыжо моторрак? 4-● 5-● 6-●



Фигур-влак кузе вашталтыт?
Пытаргыш сүретым
чын чиялтыза.




Сүретыште мыняр олма ден
грушым ужыда?



Кроссворд


Чыла йодышлан чын вашмутым
пуymeке, могай мут лектеш?




1. Кече дек эн лишыл планете.
2. Индешымше планете.
3. Нылымше планете.
4. Мемнан мландына (рушла).
5. Марсысе эн кугу курык.
6. Кудымшо планете.

Лена СТЕПАНОВА.
Морко, Эгерсола.

Судоку



Шылтыме
цифрым пален
налза.



Интернетысе сүрет-влакым кучылтмо.